



ՄԱՍՆԱՎՈՐ ՎԱՐԴԱՊԵՏԱԿԱՆ ԳԱՎԱԶԱՆԻ ԻՇԽԱՆՈՒԹՅԱՆ ՏՎԶՈՒԹՅՈՒՆ

Սեպտեմբերի 27-ին, շաբաթ օրը, առավոտյան ժամը 12-ին, Օշականում, Ս. Մեսրոպ Մաշտոց եկեղեցում, Վեհափառ Հայրապետը մասնավոր վարդապետական գավազանի իշխանություն շնորհեց Մայր Աթոռի երիտասարդ միաբաններ հոգեշնորհ Տ. Արսեն արեղա Բերբերյանին և հոգեշնորհ Տ. Նարեկ արեղա Շաքարյանին:

Ժամը 11-ին Մայր Աթոռի ռդջ միաբանությունը և Հոգևոր ձեմարանի ուսանողության մի մասը արդեն Օշականում էին:

Ղողանջում են եկեղեցու դանդերը, մինչ ժամանում է Վեհափառ Հայրապետը և առաջնորդվում եկեղեցի:

Սկսվում է «Կանոն մասնաւոր իշխանութեան»:



Վեհափառ Հայրապետը մասնավոր վարդապետական՝ գավազանի իշխանություն է տալիս երիտասարդ վարդապետներին:

խարտավիլակի պաշտոնը կատարում է Մայր Տաճարի լուսարար հոգեւոր՝ Տ. Մեսրոպ վարդապետ Պալյանը:

Շարականների, աղոթքների, սուրբգրական րնթերցումների համապատասխան կատարմամբ, Վեհափառ Հայրապետը աստիճան առ աստիճան շնորհում է «աշակերտացն ճշմարիտ Բանին քարոզութեան զմասնաւորն իշխանութիւն, որ է շորս աստիճան... յօրինեալ Սրբոյն Գրիգորի Տաթևացոյ ճշմարտութեան վարդապետի, դերահանճար հոռտորի և անյաղթ ախոյեանի սուրբ հաւատոյ»:

Վեհափառ Հայրապետի շնորհաբաշխությամբ թեկնածուները իրավունք են ստանում «քարոզելոյ զԲանն կենաց ողջամիտ քարոզութեամբ, յունկն հաւատացելոց», «ուսուցանելոյ զտգէտս և խրատելոյ զստահակս», պահել «զպատուէր օրինագրութեանց հարցն սրբոց, ողջամիտ վարդապետութեամբ, ըստ Հայաստանեայց եկեղեցւոյ»:

Արդարեւ գեղեցիկ, իմաստալից է «Մասնաւոր վարդապետական դաւազան տալոյ» կարգը մեր եկեղեցւում:

Շնորհաբաշխութեան ավառտին, Վեհափառ Հայրապետը խոստում է բովանդակալից մի խրատական «Եւ դուք եղիջիք առաջի Տեառն մշակք առանց ամօթոյ և ծառայ ազնուական» բնաբանով:

Արարողութիւններից հետո, եկեղեցական թափօրը, «Որք զարդարեցին» շարակա-

նի երգակցութեամբ, իջնում է դամբարան, համբուրելու Հայ եկեղեցու առաջին և Մեծ վարդապետի սուրբ շիրիմը:

Ժամը 2-ին, Օշականի ուխտավորները վերադառնում են Մայր Աթոռ:

* *

Հոգեշնորհ Տ. Արսեն վարդապետ Բերբերյանը նախապես Վեհափառ Հայրապետին էր ներկայացրել իր վարդապետական ավարտաճառը՝ «Ս. Ներսէս Շնորհալու հոգեւոր տաղերը» վերնագրով:

Հոգեշնորհ Տ. Նարեկ վարդապետ Շաքարյանի ավարտաճառի նյութն էր «Հայ եկեղեցական իրավունքը մինչև Ը դար»:

Հոգեշնորհ Տ. Արսեն վարդապետը այժմ զավաղանակիրն է Վեհափառ Հայրապետի և դիվանատան հայերեն թղթակցութեանց բաժնի աշխատակից:

Հոգեշնորհ Տ. Նարեկ վարդապետը Մայր Տաճարի եկեղեցական հնութիւնների պահապանի վարիչն է:

«Էջմիածին» ամսագրի խմբագրութիւնը շնորհավորում է երիտասարդ և խոստումնալից վարդապետներին և ջերմորեն բարեմաղթում, որ նրանք լինեն ճշմարտապես «մշակք առանց ամօթոյ» Աստուծո ծառայութեան վսեմ ասպարեղում և հայ ժողովրդի հոգեւոր սպասավորութեան անդամատանում:

